



SONDAHA SA LESHOME LE METSO E MENE HARA SELEMO – SELEMO A

Baprista, Badiakone, Baena le Dikgaetsedi ba ratehang

Memo sa Sondaheng sena sa Leshoe le Metso e mene sa Hara Selema dipalo tsa Lentswe la Modimo bua ka ho 'Nyakalla le ho phatlalatsa ho tla ha Jesu jwaloka Morena'.

O tla jwaloka Morena ya ikokobeditseng. Morena ya bonolo mme ya qenehelo. Morena wa kgotso. Morena ya memang 'Tloong ho 'na, lona bohle ba sebetsang ka thata, ba imetsweng, 'me ke tla le kgatholla. Hobane ke bonolo, ebile ke pelo boikokobetso, 'me le tla fumantsha meya ya lona kgathollo.' Ona ke molaetsa wa kgothatso le tshepo ho rona hara diphepetso tse bohloko tsa Covid-19.

Morena le Modimo wa rona ya tshwenyehileng ka rona nakong ena e boima. Mmoho le rona ka Moya o Halalelang ya leng hara maphelo a rona jwaloka ha re batla ho ba leetong la tumelo le tshepo le Modimo eo re mo tshepang.

Moprofeta Zakaria o phatlalatsa ho tla ha Jesu Morena wa rona. Morena ya fapaneng le marena a lefatshe ao re a tsebang. O tla ka boikokobetso a palame esele. Ha a tle ka dibetsa tsa ntwala empa ho phatlalatsa kgoso ya ditjhaba tsohle. Potso eo re ka ipotsang yona ke hore hobaneng merusu, ho hloka botsiso, le ho hloka kgotso lefasheng matsatsing ana? Karabo eo re ka bang le yona ke hore rona batho re leka ho etsa dintho ka tsela ya rona. E seng ka tsela ya Modimo.

Lengolo la Paulosi ya Halalelang ho Baroma le ho rona e bua ka lebaka le karabo tseo re ka e inahanang ka tsona. Haeba jwaloka bana ba Modimo re batla dintho tseo e seng tsa moya e leng tsa lefatshe kannete ha re fumana kgotso e sa lekanang maphelong a rona. Kahoo Paulosi ya Halalelang o hlalosa kgoro eo re tshwanetseng ho e nka, kgoro ya tumelo ho Jesu Morena wa rona ya shweleng a ba a tsoha hape ka matla a Moya.

Paulose ya Halalelang o re hopotsa moo mehopolole merero ya bophelo di tshwanetseng ho ba teng. 'Ha le phele ka botho feela, empa bophelo ba lona ke bo tswang ho Moya, ha eba Moya wa Modimo o fela o ahile ka ho lona.' Kannete, ka hlatsuo ya rona Moya wa Modimo o iketseditse lehae ka hare ho rona. Re bitseditse ho itshwarella ka bophelo ba moya e leng tsa Modimo Maphelong a rona ka tsela eo re phedisanang ka teng.

Diocese of Kroonstad

Tel: (056) 212 6639

Fax: (056) 212 7705

Email: bishop.krd@xsinet.co.za

P.O. Box 129, Kroonstad, 9500



Paulosi ya Halalelang o re qetellela palo ya hae ka hore re lahle ditsela tsa rona tsa sebe hore Moya wa Modimo o phele ka ho rona. Bophelo bo tletseng tshepo ka Modimo ya leng laolang. Tshepo e tla bona Modimo ya nang le rona nakong ena ya diphepetso tsa Corona –Virus.

Evangedi ya Matheu e bontsha Modimo ya leng haufi, e seng ho ba matla empa ho ba seng bohlokwa. 'Kea u leboha, Ntate, Morena oa lehodimo le oa lefatshe, hobane ditaba tsena o di patetse ba bohlale le ba sedi, mme o di senoletse bana.' Matla a nnete a rona a mantsweng a Jesu 'Tsohle ke di nehiloe ke Ntate. Ha ho ea tsebang Mora ha e se Ntate mme ha ho ea tsebang Ntate ha e se Mora le eo Mora a ratang ho mo senolela yena.'

Ho utlwisisa seo Jesu a se bolelang ke ka ho ikokobetsa le ho mo dumella hore a re senolele lerato la Modimo. Boikgohomoso bo re kwallela ka ntle ho menyetla ena. Ke Mokriste ya boikokobetso ya tla ulwa mme amohele memo ya Jesu. Tloong ho nna, lona bohle ba imetsweng ke ho ngongoreha le mathata. Ke tla le fa phomolo. Hobane ke pelo e bonolo e boikokobetso.

Ke ka pelo e bulehileng re ka tlang ho Morena ho fumana phomolo maphelong a rona. Seo Morena a re kopang sona Lentsweng la Modimo le Melaong di ka laoleha. 'Ruri joko ya ka e monate, mme thoto ya a e bobebe.' Kahoo ha re a tshwanela ho tshoha letho. Ke Morena ya leng taolong. Ke Morena wa kgotso. Ha re amoheleng kgotso eo a re nehelang yona eo lefatshe le ke keng la re neha yona.

Wa lona lebitsong la Kriste Morena

P. Holiday

Mobishopo Peter Holiday